

Date – 04/04/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Chief Minister Pu Lalduhoma'n Aizawl khawpui atanga Assam Rifles chhuah theihna chhan chu nikuma State Day-a Zoram mipuite tawngtaina rah a ni a ti.
2. Lunglei khawpui tui lakna ber Tlawng lui leh Pialthleng lui a kangchah deuh rih avangin March thla chho atang khan tui harsatna nasa tak an tawk.
3. Prime Minister Narendra Modia chu vawiinah BIMSTEC Summit vawi 6-na ah a tel dawn.
4. Parliament chuan tukin zingkarah khan Waqf (Amendment) Bill,2025 a pass.

<><><>

CM

Chief Minister Pu Lalduhoma'n Aizawl khawpui atanga Assam Rifles chhuah theihna chhan chu nikuma State Day-a Zoram mipuite tawngtaina rah a ni a ti.

Nimina Aizawl Vanapa Hall-a Assam Rifles ram chhuahsan avanga lawmthu sawina hun ZPM in an buatsaih a hmanpui naah he thu hi sawiin Pu Lalduhoma chuan AR Lammual chu Mizote ta ni thei tura tawngtai rualna ah rawt a ni a ti a, hemi hnu June 20 ah Union Home Minister Amit Shah a hmu tih sawiin hei hi AR ram chungchang an sawi dunna hmasa ber a ni a ti tih a sawi.

(BYTE)

Chief Minister chuan, Assam Rifles ramluah chu Pathianin mipuite tan a pe a, helai ram lo neitu ten court a kal mek te pawh inhnukdawka fel taka inremna siam turin a ngen.

Pu Lalduhoma chuan AR huamchhunga mimal ram nei mi 13 in mipui tan an ram an thehchhuak tih sawiin Mi 34 velin an surrender tawh laiin mi 11 in Court ah an khing a ti a, Tun dinhmunah Joint Verification Survey neih a nih tawh thu a sawi bawk. A dan chungchanga an intibuai dawn anih chuan tute pawh an kal thui ve ve dawn a, chumi thil chu theihnghilha inremna zawn ni se a ti a ni.

(BYTE)

Assam Rifles ram chhuahsan tur hman dan tur Committee chu din niin an thut tep tawh thu a sawi a. Hetah hian Sorkar lam chuan ruahmanna lo neih sa emaw duhdan lo neih an tum loh thu sawiin sawiho tura tih tum a ni a ti a. Heta tan hian political party tin aiawhte, NGO aiawhte, stakeholder dang tenen an thu ho dawn a ni a ti.

Union Home Minister Pu Amit Shah lo zin khan NGO aiawhte Delhi a zin tura a sawm angin tunah NGO aiawh te chu an inbuatsaihmeke nia a hriat thu a sawi a. AR ram chhuahsan hman dan tur chu Mizoram kuta awm anih thu leh committee hmaah thlen tur anih thu leh duhdan an saw tur thu leh thutawp siam theitu chu Committee din chu a ni a ti.

(Corr : Engmawii)

<><><>

CM

Chief Minister Pu Lalduhoman nikum April Ni 1 a sorkar in pawisa a neih chu cheng vbc 520 niin kumin April ni 1 ah chuan cheng vbc 1093 a lo ni ta a ni a ti.

He thu hi nimina Aizawl Vanapa Hall ah sawiin Chief Minister Pu Lalduhoma chuan ZPM sorkar chuan tan a lak thu leh an inren nasat zia thu a sawi a. Dept zawng zawng pawhin theihtawp an chhuah thu leh sorkar hnathawkho hlawn pawh a hun taka an inpek theih thin thu te a sawi a ni. April Ni 1 hnuah dept tinin bill an thehluh theih chauh thin avangin April thlaah erawh thla dang angin hlawn pek a rang thei lo a. Tunah pawisa a awm a, Dept inpeih hmasa apiang hlawn an inpek hmasak tur thu sawiin inpeih har deuh chu an pe tlai deuh dawn a ni a ti.

Chief Minister chuan, ZPM sorkar chhungin official hmingchhia an awm a hriat loh thu a sawi a. Sorkar hnathawkin tan an la a, diktaka hna an thawkho thei chu lawmawm a ti a. ZPM danglamna chu an lantir chauh tur thu te leh ram hmasawna ni lo in mimal nunah Pathian ram lo lang se tih chu ZPM sorkarin a duh ber a ni a ti.

(CORR Engmawii)

<><><>

DGP

Mizoram DGP Anil Shukla chuan ram thenawm Myanmar leh Manipur buaina avangin Mizoramah dan lova lut ruihhlo leh kuhva ro a hluar hle a ti a, hemi tih tawp tumin Mizoram Police ten theihtawp an chhuah thin tih a sawi.

Akashvani corr nen an inkawmna ah he thu hi sawiin Director General of Police Pu Anil Shukla chuan Mizoram chu venhimna kawngah ram ralmuang tak anih avangin harsatna lian tham thleng a awmlo a ti a, ram thenawm buaina avangin ruihhlo leh dan phalloh thil chi hrang hrang thleng avangin venhimna kenkawh kawngah uluk zual a ngaih thu a sawi a, Mizoram Police ten dan lova lo lut tih tawp kawngah theihtawp an chhuah tih a sawi.

Pu Anil Shukla chuan Criminal Law dan thar 3 chu nikum July ni 1 atang khan ramchhung hmun dang rualin Mizoram ah pawh hman ve nghal ani a ti a, Case hrang hrang ziahluh tawh niin tun dinhmunah Criminal Law dan thar 3 hnuai case 1500 chuang ziahluh tawh a ni a ti a, Mizoram hmun kilkhawr internet that lohna ah a nihna ang tura Criminal Law thar 3 chu hman a harsat thu sawiin hengah hian hmasawna tur hrang hrang ngaihtuah a ni dawn tih a sawi.

DGP chuan ni 2 chhung Mizoram Police Conference an buatsaihin a tum ber chu Police hrang hrangte intuaitharna leh mawhphurhna inhrilh tharna hun a ni a ti a, Criminal Law dan thar an hman tak hnuah a kenkawh dan tur leh dan hnuai hmalak dan tur hrang hrang inzirtir a ni a ti bawk.

Pu Anil Shukla sawi danin Session chhung hian Mizorama dan kenkawh dan tur hrang hrang leh hmasawna tur hrang hrang in zirtir ani dawn a ti a, dan loa Mizorama thil chi hrang hrang lakluh kawnga hmalak dan tur ruihhlo do chungchang bakah khawtlang him zawk a awm theihna tur chungchang te pawh sawiho a ni a ti bawk.

<><><>

VIKSIT BHARAT

Viksit Bharat Youth Parliament New Delhi-a neih chu nimin khan tluang takin zawhfel a ni a,

Mizoram aiawh-a kal zirlai naupang ten Parliament session kalphung nunchan ni 2 chhung an zir a, Mizoram Team te hi Angela Vanlaldusaki, Vanlalremruatpuii Leh Maria te an ni a, anni hian Parliament chhunga thiltih hrang hrang leh an nunchan zirna tura thupui thlansa hnuai te an inel a ni.

Kan corr in Maria a kawmna tawi lo ngaihtla ang.

<><><>

LUNGLEI WATER SCARCITY

Lunglei khawpui tui lakna ber Tlawng lui leh Pialthleng lui a kangchah deuh rih avangin March thla chho atang khan Lunglei khawpui chhung chuan tui harsatna an tawk mek .

Lunglei PHED chuan thuchhuah siamin kumin ah tuihna a kam chak hle a, Lunglei mipuite inngahna ber Tlawng lui pawh a kam mek a, dan pangngaia ni khata darkar 24:00 pump thin pawha duh khawp sem tur an neih loh laiin tun dinhmunah hian Tlawng lui tui nghak tling chawpin ni khatah darkar 9:00 atanga 13:00 te an pump thei ngawr ngawr a ni ta chauh an ti. Hetiang a nih avang hian tui sem a khatin sem hunbi tak pawh an nei thei lova, mipuite hriatthiamna an ngen tih an sawi a ni.

Kan corr sawi danin, Lunglei ah PHE tuisem a khaihlak avang hian Motora mimal tui zuar leh hralh an tam hle a, anni pawh hian tui mamawh zawng zawng hnenah rang takin an pe thei lova, heng an tui pek taw pawh hi PHED lam chuan Chlorine te pawlhsakin a theih ang angin an tih thianghlim sak a, tuikhur tui te pawh a theih ang angin Deptt lam hian endikin damdawi hmangin an ti thianghlim mek a ni. Chhungkaw engemawzah chu an mangang tawh a, March ni 3 a an sem bak tuisem la dawng lo te pawh an awm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

SAITUAL

Saitual Dist-a Zawnglak, Sialkal leh Mawmrang Organic Farmer Producer Company Ltd te leh IVC Agrovet Pvt. Ltd te chuan sawhthing lei leh hralh chungchangah nimin khan Saitual DC Conference Roomah, inremna thuthlung an ziak.

He hun hi District Agricultural Marketing Committee (DAMC) Chairman, District Bawrsap ni bawk Dr. Lalngura Tlau chuan a kai hruai a, inremna thuthlung an ziah tur hi sawhthing chingtute tana bung thar a nih a beisei thu a sawi. Dr. Lalngura Tlau chuan thlai chingtuten an thlai thar chhuah hralhna kawngah hlawkna an hmuh zel theih nan department hrang hrang hotute chuan thawhhona tha tak an neih a tul a ni, a ti a, kalkhawmte chu theih tawp chhuah zel turin a fuih bawk a ni.

VC

IVC Agrovet Pvt. Ltd te chuan Zawnglak FPC, Sialkal FPC leh Mawmrang FPC te atangin organic ginger metric ton 1000 chu kg 1-ah ₹30-a leisak turin inremna thuthlung an ziak a, Mizoram Agricultural Marketing Board (MAMB) chuan tanpuina atan ₹20 belh lehin, a belkhawmin ₹50 in heng FPC te hian an hralh thei dawn a ni. Inremna thuthlungah hian IVC Agrovet Pvt. Ltd aiawh te leh FPC pathuma an Chief Executive Officer (CEO) theuh ten an hming an ziah hnan a, hriatpuitu atan DAMC chairman leh MAMB Deputy Director te pawhin hming an ziah hnan a ni.

(Rammawizuala Saitual PTC)

<><><>

PM

Prime Minister Narendra Modia chu vawiinah BIMSTEC Summit vawi 6-na Bangkok-ah a tel dawn.

Nimin khan Prime Minister Narendra Modia leh Thailand PM Paetongtarn Shinawatra te chu Bangkok ah an inkawm a. PM Modia chuan thuchhuah siamin India leh Thailand thawhdunna chu Strategic Partnership-a hlankai an remti tih a puang a. India-in Act East Policy leh Indo-Pacific Vision-ah a kalpui mekah Thailand chu a pawimawh hle tih sawiin ram pahnihten venhimna kawngah thawhdunna mumal awm tura inbiak an rel tih a sawi bawk a ni.

India leh Thailand chuan vawiin khan thawhdunna tur inremna thuthlung chi ruk an ziak. Inremna thuthlung ziahte hi IT, tuifinriat lama venhimna, MSME, kut themthiamna lam leh puantah lamahte a ni a. Tun tum hi Prime Minister Modia'n Thailand a tlawh vawi thumna tur a ni a, kum 2016 leh 2019 khan a lo tlawh tawh a ni.

(Newsonair)

<><><>

WAQF

Parliament chuan tukin zingkarah khan Waqf (Amendment) Bill,2025 a pass. Rajya Sabha ah darkar 12 chuang he bill hi sawiho anih hnuah pass a ni a. Member 128 in bill hi an thlawp lain member 95 in an thlawp lo a. Lok Sabha chuan bill hi a lo pass tawh a ni.

He bill hian a Waqf hmunhma neih hrangte mumal zawka enkawlte, hmunhlu vawnhim leh vantlang hamthatna lam tihcangtlunte a ni a. Sawrkar inrelbawlina kawngah lang tlang zawka hmunhma enkawlte, Waqf Board te leh tualchhung thuneitute thawhhona tha zawk siam leh a kaihnawih mipuite chanvo humhalhte a tel a ni.

Union Minority Affairs Minister Kiren Rijju chuan he bill hi house-ah pu lutin a kaihnawih pawl leh mihringte rawn vek an nih bakah Joint Parliamentary Committee ten uluk taka an ngaihtuah hnua putluh a ni a ti. Opposition te pawh he bill hi pawm ve turin a ngen a ni.

(Newsonair)

<><><>

PARLIAMENTP

Parliament chuan Protection of Interests in Aircraft Objects Bill,2025 a pass. Rajya Sabha in he bill hi a pass hnuah nimin khan Lok Sabha chuan a pass veleh a. Nimin vek khan Lok Sabha chuan Coastal Shipping Bill,2024 a pass bawk a. India huamchhung tuiquia sumdawng lawngliante kaihhruaina tur dan a keng a ni.

(Newsonair)

<><><>